



REPUBLIKA E SHQIPËRISË

ENTI RREGULLATOR I ENERGJISË

BORDI

VENDIM

Nr. 216, Datë 15.12.2020

MBI

**KËRKESËN E SHOQËRISË OST SH.A., PËR RISHIKIMIN E VENDIMIT TË BORDIT TË ERE-S, NR. 169, DATË 03.11.2020, “PËR SHQYRTIMIN E PLANIT TË INVESTIMEVE PËR VITIN 2020 DHE ATË TË PËRDITËSUAR DHJETËVJEÇAR 2015-2025 TË ZHVILLIMIT TË RRJETIT TË TRANSMETIMIT TË SHOQËRISË OST SH.A”.**

Në mbështetje të nenit 16, pika 5 të Ligjit nr. 43/2015 “Për sektorin e energjisë elektrike”, i ndryshuar, nenit 91 dhe 92 të Ligjit nr. 44/2015 “Kodi i Procedurave Administrative”, nenit 16, pika 2 të “Rregullores së organizimit, funksionimit dhe procedurave të ERE-s”, miratuar me Vendimin e bordit të ERE Nr. 96, datë 17.06.2016, bordi i Entit Rregullator të Energjisë (ERE), në mbledhjen e tij të datës 15.12.2020, mbasi shqyrtoi relacionin nr. 132/6 Prot, datë 11.12.2020, të Drejtorive Teknike, mbi kërkesën e shoqërisë OST sh.a., për rishikimin e vendimit të bordit të ERE-s, Nr. 169, datë 03.11.2020,

**Konstatoi se:**

- Bordi i ERE, me Vendimin nr. 169, datë 03.11.2020, u shpreh në lidhje me kërkesën e OST sh.a. për shqyrtimin e planit të investimeve për vitin 2020 dhe atë të përditësuar dhjetëvjeçar 2015-2025 të zhvillimit të rrjetit të transmetimit.
- Vendimi i sipërcituar, i është dërguar për dijeni OST sh.a. në mënyre elektronike, më datë 11.11.2020, nëpërmjet komunikimit me e-mail, me qëllim njohjen me përmbajtjen përfundimtare të këtij dokumenti.
- OST sh.a., nëpërmjet shkreses nr. 6567 prot, datë 18.11.2020, ka parashtruar në ERE kërkesën për rishikim të vendimit Nr. 169, datë 03.11.2020, “Mbi kërkesën e OST sh.a., për shqyrtimin e Planit të Investimeve për vitin 2020 dhe atë të Përditësuar Dhjetëvjeçar 2015-2025 të Zhvillimit të Rrjetit të Transmetimit të shoqërisë OST sh.a.” ku ndër të tjera parashtron:
  - OST sh.a. shpreh gatishmërinë e saj të plotë për të plotësuar, në kohë dhe në koordinim me stafin e ERE, të gjithë informacionin dhe dokumentacionin e nevojshëm për të arritur në një vendimarrje nga ana Juaj, në respektim të parimit të proporcionalitetit dhe objektivitetit (të parashikuara në nenet 12 dhe 14 të Kodit të Procedurave Administrative).

- ERE kërkoi nga OST sh.a. informacionin shtesë dhe dokumentacionin e pretenduar në shkresën e sipërcituar. Në të njëjtën kohë është përgatitur shkresa përkatëse për OST sh.a. ku ndër të tjera i kërkohet si më poshtë vijon:
  - Të bëjë me dije fazën aktuale në të cilën është përgatitja e këtij udhëzuesi i cili do të përfshijë të gjithë komponentët e nevojshëm të llogaritjes kosto – përfitim; nëse është përgatitur ndonjë draft konkret i udhëzuesit dhe nëse ka një draft konkret të këtij udhëzuesi, ky draft të përcillet në ERE.
  - Për të evidentuar nëse janë zbatuar përcaktimet e Vendimit të bordit të ERE nr. 194, datë 03.12.2019 dhe ato të Ligjit nr. 43/2015, “Për sektorin e energjisë elektrike”, i ndryshuar, kërkohet të bëhet me dije nëse janë hapur llogari të ndara për aktivitetin komercial të fibrës optike. Nëse këto llogari janë hapur, periudhën kur janë hapur si dhe gjendjen e tyre.
  - OST sh.a. parashtron se janë realizuar analiza për planin e investimeve për vitin 2020. Analizat e përmendura nuk janë përcjell nga OST sh.a. në ERE në momentin e paraqitjes për miratim si dhe në periudhën në vijim gjatë shqyrtimit të këtij plani. Në këto kushte kërkohet që OST sh.a. të përcjellë në ERE analizat e përmendura në shkresën e sipërcituar, për elementët të cilët përfshihen në planin e investimeve të OST sh.a. për vitin 2020.
  - Të bëjë me dije nëse detyrimet ndaj Ministrisë së Financave dhe Ekonomisë lidhen me aktivizimin e mekanizmit të garancisë sovrane për pagesat e kredive të marra nga institucionet ndërkombëtare apo janë detyrime të tjera. Në këtë kontekst përcaktimet e VKM nr. 253, datë 24.04.2019 “Për miratimin e planit të konsolidimit financiar të sektorit publik elektroenergjitik”, duhet të vlerësohen se cilat janë arsyet e aktivizimit të mekanizmit të garancisë sovrane për të paguar kreditë në institucionet ndërkombëtare nëpërmjet fondeve të buxhetit të shtetit dhe jo nëpërmjet fondeve të vetë OST sh.a.
  - Lidhur me sa parashtruar nga OST sh.a. mbi hartimin e masterplanit të zhvillimit, aktualisht jemi në muajin dhjetor 2020, kërkohet të bëhet me dije statusi i masterplanit nëse është hartuar një draft i tillë nga konsulenca dhe nëse OST sh.a. e disponon një draft të tillë mund ta përcjellë në ERE si një draft paraprak të masterplanit të zhvillimit të rrjetit.
  - Duke marrë në konsideratë faktin se OST sh.a. me shkresën nr. 6567 prot, datë 18.11.2020, shprehet e gatshme të përcjelli informacionin në ERE dhe për sa kërkuar me tonën nr. 993/3 Prot, datë 24.09.2020, në këto kushte kërkohet të përcillet në ERE informacioni i kërkuar me tonën nr. 993/3 Prot, datë 24.09.2020.
  - Në përfundim gjithë dokumentacioni i kërkuar në shkresën e ERE si dhe çdo informacion ose analizë që OST sh.a. disponon për këtë qëllim të përcillet në ERE brenda 7 (shtatë) ditëve në mënyrë që ERE të mund të vlerësojë sa kërkuar nga OST sh.a. me shkresën nr. 6567 Prot, datë 18.11.2020.
- Për të analizuar të gjithë elementët e cituar më sipër, në mënyrë që të jepet një gjykim dhe argumentim i drejtë, i saktë dhe shterues i kërkesës së parashtruar nga OST sh.a., ERE-s, i duhet më tepër kohë për të gjykuar dhe vlerësuar gjithë parashtrimet e bëra dhe të kërkuara nga OST sh.a., me qëllim ezaurimin e procedurës administrative dhe marrjen e një vendimi mbi këtë çështje si dhe është përcaktuar përkatësisht në nenet 91 dhe 92 të Kodit të Procedurave Administrative.

Për gjithë sa më sipër cituar bordi i ERE-s,

**Vendosi:**

1. Shtyrjen e afatit të shqyrtimit të kërkesës së paraqitur nga shoqëria OST sh.a. për rishikimin e Vendimit të bordit të ERE nr. 169, datë 03.11.2020, “Për shqyrtimin e planit të investimeve për vitin 2020 dhe atë të përditësuar dhjetëvjeçar 2015-2025 të zhvillimit të rrjetit të transmetimit të shoqërisë OST sh.a.”, deri në 30 ditë.
2. Drejtoria Juridike dhe Zgjidhjes së Mosmarrëveshjeve, të njoftojë palën e interesit për vendimin e Bordit të ERE-s.

Ky vendim hyn në fuqi menjëherë.

Për këtë vendim mund të kërkohet rishikim në ERE brenda 7 ditëve kalendarike si dhe mund të bëhet ankim në Gjykatën Administrative Tiranë, brenda 30 ditëve kalendarike nga dita e publikimit në Fletoren Zyrtare.

Ky vendim botohet në Fletoren Zyrtare.

**KRYETARI I ERE**

**Petrit AHMETI**